

## Alte Drucke

### **Rectore Magnificentissimo Serenissimo Principe Ac Domino Domino VVilhelmo Henrico Dvce Saxoniae ... Qvaestionem: An Elector Saxoniae Johannes ...**

**Schmeizel, Martin**

**Jenae, [1718]**

#### CAPUT I. DE OCCASIONE ET ARGUMENTO HUIUS DISSERTATIONIS.

---

##### **Nutzungsbedingungen**

Die Digitalisate des Francke-Portals sind urheberrechtlich geschützt. Sie dürfen für wissenschaftliche und private Zwecke heruntergeladen und ausgedruckt werden. Vorhandene Herkunftsbezeichnungen dürfen dabei nicht entfernt werden.

Eine kommerzielle oder institutionelle Nutzung oder Veröffentlichung dieser Inhalte ist ohne vorheriges schriftliches Einverständnis des Studienzentrums August Hermann Francke der Franckeschen Stiftungen nicht gestattet, das ggf. auf weitere Institutionen als Rechteinhaber verweist. Für die Veröffentlichung der Digitalisate können gemäß der Gebührenordnung der Franckeschen Stiftungen Entgelte erhoben werden.

Zur Erteilung einer Veröffentlichungsgenehmigung wenden Sie sich bitte an die Leiterin des Studienzentrums, Frau Dr. Britta Klosterberg, Franckeplatz 1, Haus 22-24, 06110 Halle (studienzentrum@francke-halle.de)

##### **Terms of use**

All digital documents of the Francke-Portal are protected by copyright. They may be downloaded and printed only for non-commercial educational, research and private purposes. Attached provenance marks may not be removed.

Commercial or institutional use or publication of these digital documents in printed or digital form is not allowed without obtaining prior written permission by the Study Center August Hermann Francke of the Francke Foundations which can refer to other institutions as right holders. If digital documents are published, the Study Center is entitled to charge a fee in accordance with the scale of charges of the Francke Foundations.

For reproduction requests and permissions, please contact the head of the Study Center, Frau Dr. Britta Klosterberg, Franckeplatz 1, Haus 22-24, 06110 Halle (studienzentrum@francke-halle.de)

**urn:nbn:de:gbv:ha33-1-174497**



# CAPUT I.

## DE OCCASIONE ET ARGUMENTO HUIUS DISSERTATIONIS.

Argumentum.

**P**ontificii dum firmis rationibus veritatem Evangelicam oppugnare non possunt, calumniis ac figmentis rem agunt, factisque personalibus ad rem nihil facientibus proscindere eam suspectamque imperitis reddere conantur. Suo id exemplo demonstravit Jo. Kraus Jes. Prag. quando Johannem Constantem Electorem Sax. minime fuisse constantem, post alios evincere voluit. Cui ut obviam iretur, hujus suscepta est Dissertationis opera.

I.



**I**n veteratam Pontificiis & plus vice simplici comprobata[m] hactenus fuisse consuetudinem, ut dum rationibus oppugnare veritatem minime possunt, cuniculos quærant, variisque figmentis &

A

ca-



calumniis innocentes proscindant, factis denique personalibus Lutheranorum hypotheses labefactare, suspectasque imperitis facere allaborent, innumeris exemplis in comperto est positum.

II. Quæ a me facta assertio variis multisque comprobari posset rationibus & exemplis, nisi nota jam & perspecta esse doctis, suisque exposita locis cognoscerem, interim ne gratis hæc a me dicta esse videantur, unum saltem probationis loco in medium adducere licebit exemplum, quo ipso etiam de occasione & argumento susceptæ hujus operæ, lectori benevolo plenius poterit constare.

III. Scilicet effluxerunt menses aliquot, ex quo in publicum prodiit, magna certe religionis Evangelicæ ignominia, scriptum quoddam revera pestiferum Jesuitæ cujusdam Pragensis, cujus hunc in Titulo expressum tenorem novimus: *Historischer Beytrag für das zweyte Lutherische Jubel Jahr, den Lutherischen Worts - Dienern, welches etwa an Büchern und concepten mangelt, zum Geschenke präsentiret Von P. Johanne Krauß der Soc. Jesu Priestern, Prag 1717. in 8.* in quo Pragensis ille Socius, nescio an ignorantia, an vero petulantia & proæretico calumniandi & veritati Historicæ contradicendi studio, innumeris fere fabulis crassisque erroribus Historiam secundi, ut loquitur, sæculi Lutherani, contaminare non est subveritus.

IV. Quæ



IV. Quæ effrons hominis protervia in caussa fuit, ut horis subcivis hunc petulantis aut verius maledicentis ingenii foetum sub examen vocare, & ex genuinis Historiarum monumentis, testimoniis desumptis, pro virili retundere, e re futurum esse putavi, quo instituto susceptaque opera, fecerimne Lectoris expectationi satis, penes alios esto judicium, nec enim adeo suffenus sum, ut publice heic in ea, quæ ad me spectant, stylum convertam.

V. Id dum ago, ecce, pag. 56. oculis meis sese objicit calumnia non minus immanis, quam contumelia horrenda, quam novus iste Historicus Pragensis in JOHANNIS Elect. Sax. Lutherani, a perseverantia in religione repurgata, CONSTANTIS dicti, piissimos manes evibrare, Heroisque hujus admirandam in agnita veritate Constantiam usque ad extremum halitum, evertere, nefario certe ausu sustinuit, dum in laudatissimi illius confessoris gloriam, & posteritati, dum homines sunt, deprædicandam constantiam ita debacchari non veretur scribens: *In diesem Jahr (scil. 1682.) hat Leopoldus von Kollonitsch Bischoff von Neustadt im Druck ausgehen lassen, den Tractat Augustana und Anti-Augustana Confessio genandt, allda die Ungleichförmigkeit der Exemplarien dieser Confession, wie dann auch die Brieffschafft Johannis Friderici Churfürsten aus Sachsen authentisch zu sehen, darinn die Professon des Johannis Friderici seines Herrn Vaters so die Augspurgische Confession A. 1530. dem Kayser Carolo V. präsentiret,*



zu dem Catholischen Glauben zu sehen ist. Wie dann dieser Fürst, gleichwie er der Sachen unkündig, den Luther und das Luthertum, mit seinem Anhang befördert, sich bey seinem Hinscheiden davon gänzlich gesondert, dem Luther abgesaget, seine Secte auszuräuten befohlen und gewünschet, daß man alles in dessen Landen zu dem vorigen seeligen Catholischen Stande bringen möchte: endlich nicht zulassen wollen, das die Erbhuldigung der Untertanen und die Regierung des Fürstentums, seinem Herrn Sohn Johann Friedrichen erfolgen sollte, so lang, bis solcher den Luther, und andere Anhänger der Secten, ausm Lande würde abgewiesen haben &c. quid, quæso, acerbius aut magis injuriose de Constantissimo illo Heroe dici poterant? quo gubernante revera plus detrimenti papatus accepit, quam multis annis ante, multisque post accipere unquam potuit, ceu omnibus liquido constat, qui vel primis labris Historiarum illius ævi fontes de gustarunt.

VI. Equidem non commemoro librum illum, qui auspiciis Kollonitschii prodiit, refutatum esse doctissime a Lipsiensium Theologo quondam celebratissimo Doct. VALENTINO ALBERTI, quod doctis constare sciam, nec illud attingo, graviter errare Jesuitam, dum Electorem illum qui Augustanam Confessionem Carolo V. obtulit *Johannem Fridericum* appellat, quippe qui simpliciter JOHANNES dictus fuit, ceu cuique perspectum est, qui vel uno oculo nomina Electorum Principumque Augustanæ Confessioni subscripta inspexit aut inspicere velit, illud  
tantum



tantum hoc loco dico, calumniatorem Pragensem futili hac garrulitate nihil aliud agere, quam ut crambem superiori jam seculo coctam atque rejectam, occasione jubilæi Lutheranorum, rursus recoquat, religionique Evangelicæ addictis ægre faciat, bilemve, si possit, moveat, denique ut ignaris Historiæ laudatissimi illius Electoris fucum faciat; cujus intuitu relinquenda erat fabula hæc auctoribus suis pridem jam e memoria bonorum ereptis, imo releganda cum novo recoctore Pragensi ad extremos usque Garamantas, ne iterata commemoratione novum confletur periculum.

VII. At vero cum vomica hæc nostro hoc tempore nata iterum sit, omniumque exposita oculis, aperiendam in tempore eam & recidendam putavi, ne vitium neglegendo serpat, contagioneque sua magis lædat, partesque puras & integras infelici progressu vehementer infestet atque interdum etiam corrumpat, imprimis etiam, quod non paucos, quibus de fabula illa olim jam cocta atque rejecta nihil hætenus constitit, attonitos quasi in libro prænominato recoctam legisse, cognoverim.

VIII. Quare cum in id plane tempus ista inciderint, ubi Amplissimi Ordinis Philosophici consensu, argumentum aliquod publice ventilandum mihi esset suscipiendum, nullum & temporis circumstantiæ & professioni meæ convenientius ex amœnissimo pariter ac latissimo Historiarum campo visum fuit seligendum, quam si *fabulam*  
A 3
*illam,*



*illam, de Johannis Constantis inconstantia putatitia, in examen vocarem, inque gratiam eorum, quibus hæc scire interest, imposturam detegerem, denique fundamenta quibus ea nititur, rationibus atque argumentis ex genuinis Historiæ monumentis desumptis, pro virili everterem atque destruerem.*

IX. Atque hæc est, Lector Benevole ac veritatis amans, occasio & argumentum hujus a me operæ, in eum scilicet finem susceptæ, ut constantissimi illius atque piissimi Electoris post mortem fama, a contumelia hostium veritatis vindicaretur, meritisque illius in Ecclesiam maximis aspersa injuria, diluatur pariter atque abstergatur. Quem laborem ut Deus T. O. M. fons ille inexhaustus omnis veritatis, felici eventu & successu secundare velit, est quod ardentibus supplico votis.

## CAPUT II.

### BREVIS *ἀνακεφαλαιώσις* HISTORIÆ JOHANNIS CONSTANTIS.

Argumentum.

**P**ietas & zelus Saxoniae Electorum ac Ducum in Religionem Evangelicam laudatur, id quod exemplo Johannis Constantis demonstratur. Cujus Nativitas, Itinera, Conjugia, Gubernatio breviter edisseruntur. Summa ejus in Religionem Evangelicam propensio, studiumque eam provehendi tam intra quam extra limites Saxoniae